



許地山

禪宗正指序

法可說乎。法不可說。又奚以言爲。昔如來說法四十九年。而末後拈華以示大迦葉。爲諸佛不傳心印。正眼法藏。則是有言不若無言。以有言言不若以無言言也。以有言顯無言。不若以無言顯無言也。法可說乎。法不可說。又奚以言爲哉。雖然法固無言。非言莫顯。故如來五時說法。有喻說顯說。權說實說。種種妙諦。固已大無不包。細無不舉。淵乎微哉。至矣盡矣。然則今日尙有何法可說耶。無如去佛時遙。末法增熾。正道寢衰。習佛法者。

4737

人海算沙而我佛如來正眼法藏不可復問曷勝悼哉
永命孚佑兩真人者憫世禪宗流弊發慈悲心屢詣靈
鷲請佛宣演禪宗祕要如來嘉我誠懇特允其請爰於
甲午冬特勅弟子阿難陀降神於鄂之涵三宮孚佑真
人道場敷演如來禪宗密義凡昔如來之所深言者而
今淺言之昔之所喻言者而今顯言之務期人人共曉
開帙了然不復有人海算沙之弊是經始於甲午迄於
乙未凡兩度飛錫降筆予亦親爲贊勳其事校讎字句
總以契佛無言之祕而止決不敢畱一疑義貽誤後學

演畢復請如來印正命予敘述演典始末以弁經首予
思孚佑道也永命儒也如來釋也以佛駐仙宮演釋典
則孚佑真人命宮涵三之意其亦有取於斯乎世之學
佛法者得是經而誦之真叅實證庶不負永命孚佑兩
真人一片婆心及我如來方便慈悲是予之所深望也
夫

康熙乙未黃鐘普陀道人觀自在敘於楚江城東道院
涵三宮

禪宗正指

目錄

佛說禪宗祕密經卷上

佛說禪宗祕密經卷中

佛說禪宗祕密經卷下

禪宗正指

義陵無我子劉體恕編次

男劉蔭誠清惠

姪劉允誠清虛

全校

沙羨一行子黃誠恕叅訂

開經偈

稽首釋迦尊。皈命十方佛。我今發大願。修習禪那門。
願我誦誦時。清淨無妄念。一心解佛義。了達無上乘。
直證大圓覺。得入於菩提。大哉能仁第一導師。為諸
禪宗開行方便人。天正眼不二修持。杜絕禪弊。維正

法門超世無比十方瞻仰我今頂禮誦受是經願除
罪垢願增福慧諸天諦聽擁護持經

佛說禪宗祕密修證了義集經卷上

爾時釋迦牟尼佛久住涅槃入於如來大光明藏究竟
寂滅忽從涅槃如三昧起詣昔者音其闍音其蛇音其崛音其山菩提
樹下與諸天人四眾八部宣說無量大乘妙法時有無
量菩薩眾皆昔同時助揚佛化之大菩薩已證佛果
讓佛不居自歷劫來方便度人其名曰文殊師利菩薩
普賢菩薩大慧菩薩圓覺菩薩真觀菩薩觀自在菩薩

大勢至菩薩與如是等諸大菩薩皆已入經示寂亦從
涅槃如三昧起聽佛宣說大乘音盛妙法復有諸天帝釋
四天王等從空而下亦來聽法復有尊者摩訶迦音加葉
音涉伽耶迦葉音羅提迦葉阿難舍利弗等諸大弟子久
爲如來之所授記皆得作佛不退轉於阿耨音阿多羅三
藐三菩提是諸弟子亦在會聽佛說妙法大乘經名無
量義光照三千大千世界六種震動爾時東方有一大
菩薩名曰日照從彼東方世界見如來說法光照之處
一切音砌眾生普蒙化度一切諸佛菩薩同聲讚揚於是

從彼清淨國土來詣娑婆世界耑闍崛山菩提樹下瞻
仰如來而作偈曰善哉釋迦文爲衆宣妙法願如是實
說我今當諦聽

爾時如來告日照菩薩言善男子汝爲如來說法捨汝
清淨國土而來歸我法中稱讚如來善男子我憶往昔
無始劫中有佛出世名曰無量大光明如來修持正法
此法名爲阿耨多羅三藐三菩提彼佛於時一心持念
大乘經名無量義身心清淨故成正覺覺本性故六根
清淨根清淨故乃至五蘊清淨塵界種種一切清淨成

佛道已坐祇陀林爲諸天人演說大乘經名無量義教
諸衆生法乳流傳徧十方刹音察於時有一菩薩名曰廣
大慈悲瞻仰如來求說妙法於時彼佛爲說第一義諦
於一刹那頓解如來所說第一義諦循佛細行至今成
佛號曰無量化度真如性海光如來應供正徧知明行
足善逝世間解無上士調御丈夫天人師佛世尊爾時
大光明佛授記性海如來而作是言善男子汝於如來
第一法深而不礙如彼朗日照十方刹化度衆生無可
言喻性海光如來聞是說已通達無礙自佛後遶旋轉

週徧頂禮大光明佛而作偈言。廣有大乘法。能廣恒沙
衆。於我爲授記。如海無所量。我誓度衆生。方成真正覺。
於無量億劫。廣行菩薩道。

爾時日照菩薩白佛言。世尊。性海光佛成佛以來。於今
幾劫。佛言。善男子。性海光佛成佛以來。已歷無量劫數。
不可言喻。於今現在。法身清靜。常住不滅。善男子。彼佛
自然無爲。然亦未嘗不爲。爲而不爲。是此性海光如來。
所以者何。真如本性。無所作。故無所住。故無住。無作。是
此如來清靜法身。常在不滅。善男子。彼佛國土清靜無
礙。其中復有無量化佛大菩薩衆。宣揚性海光佛所說
妙法。復有一切衆生。每日晨朝。以香花供養佛前。熏修
不斷。二六時中。聽佛說法。自然不犯律儀。又於佛所說
經。聞卽解悟。不取於相。是故性海光佛成佛以來。常住
說法。善男子。汝今欲見彼佛。及佛國土清靜。但發大乘
心。求無量義。卽見彼性海光佛。登師子座。菩提樹下。爲
諸天人演說大乘經。教諸菩薩無量衆生。聞說法要。皆
得阿耨多羅三藐三菩提。日照菩薩重白佛言。世尊。彼
性海光如來說法。何者爲本。一切法門。以何爲宗。我今

爲諸大衆請佛宣說佛言善男子彼性海光佛爲諸大衆說大乘經名無量義彼佛說法以空爲本何以故諸法皆空法性自空非法滅空法不異法法無其相以爲有相相從何生取法取相不爲了義大乘性海光佛說法以來於今現在其菩薩衆皆已自明本心見自本性一切緣塵皆能解脫無所障礙無所攀援無所執著故是了義大乘一切言論彼佛盡掃不執一法其彼性海光佛歷恒沙劫說法無第二義了達之士聞卽頓悟其宗無所倚傍佛佛相傳是義不改日照菩薩白佛言世尊彼佛國土大菩薩衆何法指點何住何不住何滅何不滅惟願世尊爲我演說亦爲後世求佛道者得知法要佛言善男子汝爲末世衆生乃能問彼性海光佛真修功德佛爲汝說如汝所問大菩薩衆何住何不住善男子法身常住色身不住常住者不生不滅不住者有生有滅不滅則是佛身滅者則屬幻化不能通達此義卽爲不見如來日照菩薩白佛言世尊性海光佛修持正法爲向上諸佛相傳心印爲彼自證願佛宣說佛言善男子性海光佛其最初師承在無量劫太始無極本

來清靜法明王佛出家修道。其後再歷多劫。值無量光如來在菩提樹下安坐道場。於彼佛法中修習如來禪定解脫法門。得成正覺。超踰十地。證圓明覺性。廣行方便。宣揚佛化。滿恒沙劫。不染不淨。不垢不穢。不空不色。一體圓澄。湛然瑩徹。彼佛修習種種法門。不假作爲。自能行持。不假言說。自能記憶。能所兩忘。一心佛道。其得十力。無可倫者。吾今爲汝宣說。汝於末法衆生。廣爲指點。一心頂禮性海光如來佛所印。可佛說是人成佛。不謬。日照菩薩重白佛言。性海光佛修菩提時。所行善法。

爲可說。爲不可說。爲有相。爲無相。惟願世尊無遮大慈。爲我宣說佛言善男子。汝問如來斯義。世多不信。爾當諦聽。吾爲汝說。善男子。彼佛神力無畏。降伏魔怨。制諸外道。不可思量。在白衣中。白衣中尊。若在士庶。士庶中尊。若在王侯。王侯中尊。現種種身。隨在圓滿。如說修行。百千萬億劫。不斷本元覺明心地。日照菩薩白佛言。世尊。性海光如來。趣菩提樹。安坐道場。所轉法輪。爲佛佛相傳法耶。爲彼一佛法耶。彼佛佛印。爲可憶念。爲可宣說。佛言善男子。性海光佛修持種種法門。而無一毫取

著之心。修持百千萬億母陀羅尼。而一一總持無礙。得一切三昧。名曰法華三昧。金剛王三昧。色身一切普光三昧。如來藏三昧。如是等無量百千萬億三昧。成等正覺。悟本性海。得六通力。十智慧力。四無礙力。坐菩提樹。爲諸衆生。普演妙法。不向二乘小果。惟說無上大乘。最上一乘。教諸學菩薩人。得阿耨多羅三藐三菩提法。自然衆生。咸悟佛乘。證大菩提。登涅槃路。日照菩薩重白。佛言。世尊。彼佛名號。何以爲性海光。佛言。善男子。彼佛真性。無可量。無有邊。如大海水。不可量。故如海無邊際。故其佛性光明。能徧一切世界。如彼滿月。能照一切黑夜。故又如月輪中天。世間所有。悉照見。故又如燈光。能破闇室。故所以彼佛號性海光。不明則暗。暗則蘊塵煩惱。覆蔽本來覺性。覺性既蔽。則失佛性。善男子。彼佛名號。如是不可思量。於是世尊重宣此義。而說偈曰。性光佛出世。於無量億劫。修持禪那門。有種種三昧。佛法不思議。現今坐道場。說法師子吼。彼土菩薩衆。咸如是修習。助佛宣妙法。廣度恒沙衆。悉皆成佛道。爾時世尊。攬七寶几。普告大衆言。善男子。學菩薩道。趣

涅槃城。不悟本性。而修佛果。欲其成就。如煮砂成飯。砂非飯本。慰飢實難。又如人立門外。欲觀室中所有。了無是處。故學道人。先要明自本性。見自本心。汝諸眾生。能於如來法中。識自本性。見自本心。是則真修行路。卽見彼性。海光如來。去佛不遠。如是在會。一切天人阿修羅等。一切菩薩。舍利弗等諸大弟子。信受奉行。頂禮而退。爾時世尊。在耆闍崛山。宣揚妙諦。爲諸衆生。說性海光佛修行功德。已一時佛頂放無量光。徧照三千大千世界。如淨琉璃玻璃。無有隔礙。爾時有一菩薩。名曰大智。

知佛說法。有此異瑞。從彼世界來。至耆闍崛山。瞻仰如來。而白佛言。希有世尊。乃現如斯祥瑞光事。世尊。我從昔來。未曾得見如斯光異。世尊。惟願演說此光何自而生。何所因緣。從何不滅。如此三千大千世界。無有隔礙。佛言。善男子。佛有無量解脫法門。能解一切纏縛。能破一切疑網。能消一切障礙。能除一切滯音滯故有無量光明覺照。有所覺照。照與照者。一時同覺。能照十方世界。皆由如來本性光明。譬如有人。持一燈光。入閤室中。四圍上下。無不照者。諸凡有見。皆無障礙。佛所放光。

亦復如是。善男子。彼闇室人。睹斯燈光。疑以爲祥瑞。不
否音弗也。世尊。此燈之光。非因緣有。不離因緣。如何闇
室之人。以爲祥瑞。所生佛言。如是如是。善男子。若彼燈
光。非因緣有。未有燈時。彼暗室中。何以不先有見。若光
在燈。彼燈之光。如一芥子。何以能照一室。彼燈與室。自
不相干。何室之光。却從燈出。設室非燈。何以有見。設燈
不然。光自何生。故知燈光。非本然有。非因緣生。如來頂
光。亦復如是。

復次大智菩薩言。善男子。佛有無量解脫法門。汝等當
學。大智菩薩白佛言。世尊。何爲解脫法門。惟願說之。佛
言。善男子。衆生溺於生死海中。汨沒本性。染著不悟。妄
執色身是我。逐利逐名。不知四大無常。五陰音陰非有。惟
縱六根。從彼六根。受其六塵。以此六塵。迷自本性。流浪
輪迴。如桎梏人。經年累月。了無解脫。如海波濤。時起時
沒。如此等衆生。不明本性。真空。惟著色相。認爲是我。不
知四大一壞。我爲何在。我不是我真我。而認幻爲我。如
夢中人。見夢中物。輒復貪著。不能暫捨。如覺音教之後。求
夢中物。了無所有。故知一切幻化境界。非本來有。皆是

一切前塵影事。能悟佛性。了無罣音礙。解粘釋縛。修習如來解脫法門。自解其縛。佛知是人。決定成佛。不離自性。入寂滅道。

復次大智菩薩言。善男子。求佛道者。先要發真實心。廻向六波羅蜜。求佛大乘。為度一切生死。故出世間。捨割恩愛。向佛皈依。使此心不真。則為虛妄之因。因既虛妄。則不能成其功行。譬彼花木。花既開放。則能結果。若無其花。果從何生。如彼空花。非實樹有。雖名為花。終是虛妄。果從何來。故知學佛心不真實。雖依佛式。不名佛子。

何以故。以虛妄心不能成佛道故。汝視如來所修種種功行。何者非真心所辦。果能發真實心。趣向佛乘。而不成正覺。決無是處。何以故。一切世界。不離一心。一切佛法。此心所造。如心佛不現。則佛說是人。決不能成正覺。爾時座中有一菩薩。名曰金剛藏。爾乃大眾之所欽仰。即從座起。而白佛言。世尊。見人修佛法者。何者為第一法門。世尊。彼六波羅蜜。為學一法耶。為學各法耶。惟願提獎大眾。皆佛之子。以佛為師。使諸學佛道者。不迷真性。佛言。善男子。凡人學如來法者。先行六波羅蜜法。此

六波羅蜜。雖次第盡。然亦一時同修。菩薩修是六度。得證菩提。所以者何。蓋菩提真性。雖各各具足。不假作為。然亦賴功行。乃能成就。不假勉疆。而亦未始因任自然。如戒行不修。則失一波羅蜜。故知學佛。戒行第一。然此戒行。不離六根。不即六根。不外六塵。不住六塵。如清靜水。不著一塵。於波羅蜜。無有欠缺。自然能修戒行。次即忍辱。凡諸衆生。學菩薩道。先須忍辱。毋起嗔恨。任人辱我。恬然忍受。無厭惡心。無報復心。如我昔行忍辱行時。即節節支解。亦無嗔恨。是名忍辱。次即精進。善男子。學

菩薩道。如趕途。然令人客遊思歸。或千里萬里。及百里數十里地。雖極勞苦。不敢惰緩。縱受疲倦。務以到家。為大安穩。又如舟行到岸。中流極力撐駕。以到岸為率。不如是精進。佛道遠矣。次即禪定。善男子。禪定者。心無動擾。湛然純淨。外無所入。內無所出。心於持戒。而即能定。心於忍辱。而即能定。故謂禪定。次即智慧。善男子。智慧者。衆生本來覺性。人人具足。只緣衆生迷惑。失了不能自己返觀。音貫我本性中。有照有覺。一切外物。迷惑不得。是為智慧。降伏一切煩惱。制諸魔道。皆仗此智慧。出生

死海成菩薩道。次卽佈施。世音善男子。我此佈施法門。非捨財物。非捨血肉。非捨外物。乃是捐棄一切貪妄名色。諸念若此。念不除。卽是不能佈施。善男子。此六度法。用雖各別。其實一致。如不著一相。則六度全超。爾金剛藏。爲後修行佛道者。說此六波羅蜜法。教諸學人。無令欠缺。有一不修。佛道遠矣。

爾時法慧菩薩卽從座起。而白佛言。世尊。如來昔在鹿野苑中。爲憍音驕陳如等五比丘。說四諦法。爲舍利弗等。說因緣法。爲諸大菩薩。說一乘法。然此三乘有所分別。

爲無所分別。世尊。意彼三乘。爲因衆生資性。爲是佛法。原有差等。世尊。旣說法無可說。何以又有三種區別。惟願如來。爲諸後世衆生。學佛道者。明白宣示。不致疑慮。佛言。善男子。學佛道者。視其根性。以彼根有三種。故如來說有三乘。鈍根下劣。難以大乘法。語之。故以四諦引其修證。脫離火宅。故爲小乘。根中者。授以因緣法。使之得證二乘。若彼上根之士。但授以大乘。然此三乘。雖分三種。究之下根一悟。不異上根。故如來昔曾授記。舍利弗等。憍陳如。諸比丘。皆得作佛。何以故。入手雖殊。歸元

無二。善男子。如來常說法。惟一乘。曰二曰三。總屬權設。方便如彼渡海。或用大寶筏。或駕小舟。有各分別。而實得度。至彼岸已。則無分別。故如來雖以三乘引誘衆生。而衆生不解如來方便法門。妄執三乘。以爲實有。不知一入佛乘。一旦多立。三何分乎。

爾時舍利弗聞佛說一乘無二之義。恐後世學佛法者。疑佛語攪亂。卽從座起。而白佛言。世尊。佛昔所說三乘法門。爲卽真一不二法耶。爲是三乘之外。別有一乘。是真一不二法耶。佛言。善男子。我昔於威音王時。彼威音

王佛教我。不二法門。我於爾時卽能信受。依不二法門修行。故我所修習。皆是真一不二法門。歷劫以來。三世諸佛。亦止此真一不二法門。教導衆生。坐諸道場。梵音清徹。出和雅音。如師子吼。震攝一切諸惡鬼神。悉能降伏。一切諸魔外道。如是修行。歷恒河沙。而成正覺。舍利弗。假使如來。不多劫修行真一不二法門。欲成如來。必不可得。汝舍利弗。在我法中。親爲如來長子。爲如來之所授記。善男子。功由自修。法惟師授。如我昔在威音王時。無有異也。

復次舍利弗。如來有無上大乘。實佛佛相傳。祖印相承。因衆生只知佛法是空。而不能解了。不知空中本有實相。譬如太虛是空。其中却有日月星辰。江河山嶽大地。方纔建立世界。法空不空。亦復如是。汝但諦觀自身。眼耳鼻舌是實。其能視能聽能嗅能嘗。一粒種子。却無形無聲。無可言說。故謂之空。汝當諦審諦觀。一粒種子。生從何來。死從何往。一粒之中。能藏世界。一芥子內。能納須彌。佛佛心印。惟此爲最上乘。第一義。雖名上乘。終屬假立。謂是一義。尙落言詮。一字不立。是真了達。百尺竿

頭。再進一步。妙乎微哉。參禪了道。不於此處下手。歸於不成。譚空。則爲頑空。著相。又爲渣滓。不空不實。於如來法。究極細微。方爲了義。使法不空中。有實。汝舍利弗。向前問如來法。爲是汝舌能言。爲是汝口能言。如是口言。彼熟眠時。非是無口。何以不言。彼命終人。舌根具在。何以不能向人言語。故知六根外相。復有真空。此真空者。是汝法身。五陰六塵。皆爲浮妄。舍利弗。爲諸後世衆生。敷演斯義。破諸妄念。除一切障。滅一切法。則汝舍利弗。向如來法。爲不虛謬。

能言三主乃
先天神志淨明
不染之本體
生而有形存神
无聚故能言
死而神志散
能言若及不散
爲清靈之冠亦
源附人而言惟佛
向仙脫形而去神
志純陽故能言
也所謂真空者
實先天之神而
已

爾時世尊告舍利弗。已復有菩薩名妙法師。而白佛言。世尊。爲向佛乘者。說是大乘經。世尊。我昔聞佛告須菩提。謂如來有所說法。卽爲謗佛。世尊。如今所說爲無所說耶。彼衆生不解如來所說義。必多疑障。惟願宣說。不使後世衆生。生疑惑心。致起謗讚。音失佛種性。佛言。善男子。如來今日在耆闍崛山。實無所說。卽在祇樹園中。以及諸天宮殿。並諸道場。皆無所說。假使有法可說。卽爲謗法。謂如來有所說法。卽爲謗佛。失佛種性。如法可說。是爲有法。一爲有法。便是邪見。不知如來第一法門。

爲無爲法。奚但無爲。並無亦無。奚但無無無無。亦無說名無爲。尙是有爲。說名無無。亦是言詮。皆爲塵垢。如日中金屑。終屬障礙。善男子。汝亦未解佛所說。是爲謗佛。復次妙法菩薩言。善男子。如來自自然清靜法門。本自無爲。有諸衆生。能信如來所說義。不不也。世尊。如我解佛所說法。本自無爲。而無不爲。爲無所說。旣無所說。則無說義。無非方便。故如來常說種種法門。方便第一。然其方便。中含妙義。如醫治音持病。多諸方藥。病卽痊愈。病旣愈已。若執向所服藥。則無是處。故知如來今日所說。皆

爲第一之法。善男子。第一義者。卽是衆生各各具足本
妙明心。圓明覺性。故如來無所爲法。卽是無所說法。不
解佛義。妄有作爲。是爲顛倒。衆生捨自家寶。向外求索。
色音止爲癡頑。自失佛性。

爾時佛告大勢至菩薩言。善男子。如來昔在然燈佛時。
修習種種難行苦行。我於一切大乘經。聞卽通達。依語
修行。無有疲厭。故然燈佛與我授記。作是言。汝於來世。
當得作佛。假使彼時。我於然燈佛所說種種法門。不能
信受。依義修行。則然燈佛必不與我授記。善男子。如來
昔日所得佛法。皆由我積劫以來功行。善男子。勿謂如
來在雪山修道時。只有六年。遂成正覺。皆爲易得。不由
積累。善男子。悟由頓悟。功由累積。若不積功。妄希頓悟。
決無是處。如飯音食人。必由多飯。方能至飽。假使不食。
而說飯飽。不有是理。善男子。學如來法。務以勤積功行。
爲學道根基。如我在然燈佛時。無有差別。以是夙因。又
兼我雪山苦行。不起於座。故如來今日成佛。原非易事。
復告大勢至菩薩言。善男子。汝等當知如來所說第一
義諦。有宗通說通二種方便。善男子。宗通者。於如來第

一義諦無言無說。佛法靜心叅究，不執事理障礙，惟窮取本來圓明覺性。如我昔在雪山修道，無有言說。一旦天星朗現，頓悟位微。本來圓明覺性，豁然了達。說通者，如我昔日所說第一義經，雖有言說，其中妙法實非語言文字之所得盡。善悟之士，因文求義，因義力行，人从貫通於本來覺性，漸能悟入。一旦功夫純熟，皆能解了。此說通者，校之宗通，固若有閒。到得成就，實無差別。若善男子習宗乘者，但得少爲足，遂大我慢，俯視一切，謂與諸佛頡頏，不能成佛正覺。又如說通者，但執如來所說方廣諸經，遂解如來有所說法，於如來第一義諦不能叅究。不知圓明覺性，須由自證，執文字解，究非第一義諦。善男子末法衆生，如此兩輩人，正復不少。故如來教諸衆生，讀誦甚深經典，當如說修行，又說積劫多聞，不如一日修習無漏，交濟爲功。方是如來中道了義，不落二邊。

爾時世尊告大勢至菩薩已，復有菩薩名曰淨明，卽從座起而白佛言：世尊行佛道者，須如何不犯律儀，如何不染清淨法身，惟願世尊宣說，知所持守。佛言：善男子，

如來有種種戒律。教諸學法衆生。依如來戒。細大一切。語言動作之類。有八萬四千細行。菩薩大戒。初學小戒。白衣學佛法門。亦有八戒五戒。種種律儀。依教尊守。不犯一律。如來親知。是人決定得阿耨多羅三藐三菩提。於佛所說。無有違犯。便是清淨法身。無所染垢。假使口誦如來所說種種戒律。而心實不能奉持。不犯如來便知衆生著於外見。而失佛性。則自失清淨法身。而於阿耨多羅三藐三菩提。必不能得。何以故。心縱逸。故心既縱佚。則身無所檢。身無所檢。則舉止動作。皆違律儀。律儀既違。則雖著如來衣。誦如來言。不名如來弟子。善男子。戒律雖多。戒心爲上。心若不戒。則六根百職事者。無所法守。譬如長者持理家事。而自昏迷。彼門下人。無所稟命。欲其各各不犯。決無是處。

爾時世尊在耆闍崛山。與諸大菩薩。諸大弟子。宣說無上祕密法要。一切大乘真不二修多羅了義。開闢音闢禪那各種差別。修習正宗。說已將罷法座。爾時天雨寶華。繽紛而下。十方諸佛。諸大菩薩。皆來集聽說法要。時在會中有二菩薩。自東方來。詣靈鷲山。其二菩薩先

曾修習阿斯陀仙。久爲震旦之所宗仰。雖登仙果。專以慈悲度人爲念。亦曾學佛法門。勤修梵行。自無量劫化身應世。復爲如來之所授記。其一菩薩名曰證果定慧王菩薩。佛復授記爲釋迦梵鎮如來。其一名曰光圓自在。佛復授記爲圓通文尼真如來。是二菩薩亦在會座聽說法要。卽於座前。諸佛開演無上大乘經。認復諮詢一切禪宗流弊。慇懃禮請。惟願如來無遮大悲。爲我宣揚。如是三請不已。佛言善哉。汝乃捨汝阿斯陀仙行。而問如來禪宗正諦。善男子。如來祕密正宗。於未寂滅。囑咐大迦葉。傳我祖印。一切教典文字。付與阿難。震旦衆生。自摩騰竺法蘭。二比丘。傳我教典文字。自後歷付大阿羅漢。分真應化。流佈東土。顯大禪宗。則自菩提達磨傳我心印。今又何須請我如來開演。二菩薩言。如來正宗。衆生迷失者多。超悟最少。惟願慈悲方便。允我所請。諸畢五體投地。慇懃勸請。佛言善男子。汝昔修阿斯陀行。以水火升降。丹鉛汞鼎。龍虎交併。音平爲汝仙行。我試問汝。汝此一身。四大和合。幻有六根。汝此五行。爲是有相。爲是無相。若有相者。則可指摘。汝試觀汝身內。何者

是水何者是火何為金公何為木母何為黃婆何為龍
 虎汝試一一指向如來若是無相則此五行畢竟有中
 還畢竟無畢竟實中還畢竟虛汝此四大一離止汝圓
 明覺性亘古亘今不曾增減汝之五行究歸何處故知
 說水說火徒假名相若制一心則無事不辦譬如灌木
 不灌其根但灌枝葉根本一壞枝葉隨凋不降伏其心
 求功水火妄希圓覺決無是處又善男子汝修阿斯塔
 仙煉精固氣化神還虛求長生果如來問汝汝精氣神
 為本然有為後來生如為本然則不容煉如後來生則
 汝歷劫本來真性非後來有汝試諦審汝未生以前汝
 此三種藏於何處為是藏於母腹為是藏於太虛若在
 母腹則汝未生何以無言若在大虛則同空體汝精氣
 神何以有煉又汝四大假合法無有實汝試諦思彼年
 少人精氣神疆壯而忽橫去聲上聲謂是神虛謂是氣羸
 雷音謂是精竭又此四大一壞汝精氣神歸於何所若精
 為父母所生血肉之身則汝四大一離止汝元神汝精
 何在又汝東土教典氣聚而生氣散而死則汝精氣竟
 成烏有善男子汝習此三種謂修命根如來問汝汝性

常在汝身常在。若汝身常在者。則汝四大如浮漚。音聚如電光閃。如石中焰。終久敗壞。縱經千歲。終於死滅。汝所修命。歸於何處。若汝性中本然圓覺。歷恆沙劫。不增不減。汝法教諸求長生者。但以保守神氣精爲大乘。不以圓明覺性爲最上一乘。則欲求長生。只是延年方術。不名大道。若彼空靈本性。與天長存。與日齊明。但明自真心。見自真性。則神氣自固。精不枯朽。如來宗門。惟教衆生明了此心。見了此性。口不言命。命在其中。不言長生。生生常在。譬彼日月光處。是神。能照處。是精。其晝夜

運行處。是氣。汝謂日月精氣神有所分別。爲無所分別。善男子。人身三寶。亦復如是。但制其心。三者俱存。不制其心。妄覓三寶。自失本性。何能直證如來大圓覺地。爾時定慧王菩薩言。世尊。我憶往昔劫中。廣行陰騭。多諸方便。以忠孝爲本。利人濟物爲心。三千功滿。證果天仙。後因夙孽。自蜀歸依如來。洗我夙垢。拔除嗔恨。一時遂悟本心。脫離苦趣。如來授記。我爲證果定慧王菩薩。自爾之後。常隨如來。發明本妙明心。圓明覺性。直證圓覺。授記我爲梵鎮如來。世尊。由我自悟本心。空無所有。

故能隨佛左右。親聆法音。由我一心向正。從劫至劫。不壞真空法身。不由升降水火。而自成聖胎。世尊此四大身。終歸敗壞。而我一心。無有生滅。佛問五行名相。世尊五行非有。假設名相。為教衆生。說有五行。其實本性。只一無二。何致五種分別。惟就四大。說諸方便。保精煉氣。以養其神。為是四大。立諸名相。若制一心。則本性圓湛。無分陰陽。水火交濟。豈外一心。捨心求道。道果難成。如蒸穀芽。欲其生長。致成嘉禾。必無是處。

於是圓通文尼。亦從座起。而白佛言。世尊。我憶往昔。入終南山。修習仙行。彼導師。教我升降水火。丹鉛抽添。我時依法行持。功成。白日昇天。因遊方諸路。得遇應真黃龍大覺。示我禪宗。指點歸一。我時言下頓悟真空。因悟五行八卦。雖立種種名相。精氣神雖分三種。皆我本性。能生萬法。當下見自本性。毫無罣礙。至後親近我佛。得蒙授記。現今證果。圓通世尊。我所修習。不離自性。成無上道。

爾時二菩薩。重復頂禮如來。諮以禪宗要旨。并修習真訣。不涉機鋒。而問佛第一義諦。佛言。善男子。我所修禪。

宗離一切語言文字。爲指點學佛道者。遂有語言文字。其實言語皆屬幻化。善男子。一切蠢動鳥飛兔走魚遊。在沼獸棲在山。皆是本來佛性。又如蚊蠓之屬。爲物最小。亦知渴飲甘露。善男子。謂是此等衆生。有所言說。爲無所言說。假使必待言說。而後飛走飲食。則一切衆生。不得咸有佛性。惟彼修禪那人。不解如來禪宗。極微塵世界。不可思量。但得一知半解。遂自認爲真正禪那。真阿羅漢。不遭後有。佛說是人。良可歎惜。善男子。汝欲如來宣示第一禪那要典。杜絕機鋒。汝諸善男子。各各洗心。聽如來演說。於是說已。世尊結跏趺坐。入於甚深三昧。寂然無言。無說一切。天仙鬼神。竚俟法音。一切大菩薩。大阿羅漢。在會聽者。同時入於無量三昧。他方新學菩薩。及他佛國來者。一時皆發阿耨多羅三藐三菩提心。竚佛宣揚。肅然頂禮。各歸法座。聳耳信受。

讚

靈山海會。不可思量。諸佛菩薩。共稱揚妙義。廣含藏。究論位鄉。頂禮太法王。

禪宗正指

義陵無我子劉體恕編次

男劉蔭誠清惠

仝校

姪劉允誠清虛

沙羨一行子黃誠恕叅訂

佛說禪宗祕密修證了義集經卷中

爾時世尊告光圓自在。併定慧菩薩言。善男子。汝等乃能諮詢如來禪宗流弊。今為汝說。善男子。如來昔在道場。為諸衆生演說甚深經典。世人不解。如來所說第一義諦。如來教說。我言第一義諦。要假禪那修習。不修禪

定其心散亂。善男子。禪定者。不入不出。不內不外。不離於坐。不即於坐。心在定故。應諸事物。不動些子。不應諸務。不落頑空。善男子。如今學人。有二種弊。一者身雖坐。禪不知佛法。非坐得故。其心散亂。如馬馳平坂。不可控馭。如此等人。名為坐禪。本來不究。不名為定。如風中柳。如浪裏舟。身不由主。虛死虛生。雖坐何益。而此坐人。尚不知非。遂謂我是學佛法者。我是如來長子。當為如來之所授記。有人告言。禪非坐得。彼必不信。恣相譏訕。墮落機鋒。如此輩人。流弊不淺。其一弊者。抱定一則公案。

一句話頭。經年累月。但得一知半解。遂謂我大徹悟。歷代佛祖。與我不異。我自然無有生死。究竟涅槃。佛所說經。不必讀誦。一切義句。不須參學。妄想顛倒。不復精進。或言我在某禪得法。某人是我所付。某人是。大善知識。某人是先佛轉劫。應度某人。世間迷惑眾生。遂謂某人。參悟。現今成佛。在某道場說法。我等親近。求其指引。不知彼參禪人。未經大徹。大悟。自尚未了。何能度人。善男子。如此輩人。求法甚多。不知徹悟之後。尚有功行。何況悟尚未到極處。如何自謂了也。善男子。此二種弊。止言

其概微細分辨。一弊之中。各有幾種流弊。說不可盡。一棒一喝。未當其可。便是機鋒。若是真正大悟大徹。只覺一棒一喝。都露如來全身。如來在棒柱子頭上立。三世諸佛同在棒柱子頭上立。要見如來。方許一棒一喝。不爲過謬。若機緣未熟。妄希大悟。只是妄念所成。坐破禪床。了無覓處。

復次二菩薩言。善男子。我所說禪那流弊。細分一弊之中。復有數種。若初得一定。或生歡喜。便有魔障現前。種種境界。彼人不知。誤以爲佛來接引。或大菩薩與我同

證。心生歡喜。言我是真正禪那。我善入定。我於定中。曾至某處。某佛教我法要。或至某天宮。見某佛說法。積久不悟。魔軍入其靈府。擾亂心君。逢人便罵。一味呵佛呵祖。衆生不知。誤以爲活佛出世。如是延及衆生信者。遂受其害。迷誤後學。佛說是人。最失種性。有一種人。或根性通達。悟解超羣。然其得半自足。不肯寸進。與人談論。雖無過謬。然其棒不成。喝不成。喝令彼求佛法人。謂言佛法原止於此。或有種人。不明宗義。強爲分解。某宗如何。某棒如何。致彼學佛道者。認教爲宗。將宗擬教。互

相較量。既已失宗。併且失教。逞用知解。枉使機鋒。究於
如來修禪法門。何曾行到此一輩人。較之前所說弊畧
有不同。然亦於本性禪那。究未了達。因其未達。致成禪
弊。要去其弊。先澄其慮。心慮既澄。萬緣不染。萬緣既淨。
萬法皆空。萬法既空。一法不立。仍還太虛。太虛無相。日
月昭明。非日非月。不水不金。五行湛寂。杳杳長存。尋之
無首。視之無形。無名無聲。無古無今。何心可名。何性可
稱。心性是有。畢竟無形。心性是一。二乃假名。一旦不有。
心性何分。天地共老。山海永寧。參禪了道。達此爲真。儒

稱爲聖佛。號世尊。天仙大道。非此不成。一落禪弊。萬劫
沉淪。三塗惡道。輾轉無停。佛號大覺。亦曰能仁。禪宗正
指。永無災傾。依此參習。坐臥流行。四威儀中。無少無增。
能達此義。是最上乘。

爾時定慧菩薩。卽從座起。前白佛言。世尊。快說禪病。我
等今者。快得善利。世尊。緣何使諸學禪那者。不落流弊。
阮塹佛言。善男子。我此法門。本然清靜。非定故靜。爲諸
心不定者。假禪習定。卽靜在定。卽定在靜。定與定者。二
俱雙忘。靜與靜者。同時寂滅。能所兩無。形相不存。如觀

止水亦如皎月。心不於動。何慮不靜。心本無擾。何憂不定。不知此者。捨動求靜。棄擾求定。一入動擾。卽不靜定。既不靜定。則先時所習禪定。究非真定。所學清靜。究非真靜。真清靜者。入諸市廛。心亦在靜。心真定者。罹諸險難。心亦大定。我昔曾告阿難。大定楞音嚴。修習禪那。先要識心。心君擾擾。何由得靜。其不靜者。雖坐亦動。能知心所在。則不須別求清靜。故知心本靜定。取靜取定。卽此取著之心。便不靜定。種種流弊。如何斷絕。

復次定慧菩薩言。善男子。我方便法門。有三種修持。奢

摩他

音拖

止靜

三摩鉢提

如幻

禪那

寂滅

三種法門

隨修

一種

惟佛三

種同修

無所分別。今世學法衆生。概指三種。謂之禪那。名已無辨。實豈無殊。因入門不清塗徑。迴別。遂致種種流弊。分門別戶。互相譏訕。機鋒相觸。致起爭論。善男子。汝見世間衆生。有以幻化爲佛事者。此是修如幻三摩提法。有專以止靜爲佛事者。此名奢摩他法。有以清心宴坐。習寂滅佛事者。此名禪那。先辨修行門路。便知種性。種性旣辨。佛所修法。專一不二。用心精進。如由中道。不失岐路。不逗音中途。何生禪弊。生禪弊

人由走岐徑。由失中途。以中途故。便未究竟。以岐路故。便近外道。皆屬禪病。如今世人。由靜坐既久。專心所致。便有慧生。或通人世吉凶禍福。陰陽休咎。若此日知非。便捨急回正路。尚迷不遠。如失塗人。誤走岐徑。急尋導人。引歸正路。仍還中道。自無所失。如執迷不悟。高己傲物。不肯叅訪大善知識。便如失塗人。信步走去。先時尙錯不多。其後愈走愈遠。永無到家之日。不亦深可痛哉。如中途自止。逗留不前。此一輩人。較之前失。稍有不同。然亦不能到究竟地位。既非聖證。便不是無餘涅槃。故與人說法。雖無大錯。然其一棒一喝。皆不直捷諦當。故露機鋒。此禪門正法。流爲禪弊。如來助佛道法。無非方便。一心禪靜。諸弊不生。

爾時光圓自在。菩薩言世尊。所說禪那流弊。我等今者。獲大利益。如何使諸習禪定者。得入聖證。不落流弊。佛言善男子。習禪定者。先除諸妄。由妄想故。障菩提路。善男子。此妄想者。皆由積習結成。初坐禪時。卽言我作佛法。我決成佛。不知佛者。非作得故。說言我決成佛。卽此一念。便爲妄想。因此一妄。生種種妄。妄以生妄。如風揚

波忽起忽止。如荆棘林蔓萬音延滋長。善男子。佛爲衆生。說有佛道可成。若究論本元。佛與衆生。本無差別。何有佛道可成。若有佛道可成者。佛語亦是虛妄。善男子。衆生爲求佛法。但除諸妄。一心禪寂。妄想既淨。真性現前。善男子。對真說妄。便有妄想可除。若是捨妄求真。亦屬妄想。并此除妄之心。亦無方。是本體清靜。禪那流弊。都緣妄念所成。未得謂得。未證謂證。致棒喝向上一義。盡成通套。如斯末法佛子。最可哀憫。

復次光圓自在菩薩言。善男子。諸佛所說方便法門。不一。我昔曾言。有以衣服臥具而作佛事。有以言語音聲而作佛事。有以石中火海中泡。如熱時焰。如呼時響。種種譬喻而作佛事。有以無言無說無示。清靜寂滅而作佛事。諸佛法門。有如是等種種方便。饒益衆生。善男子。若如來所說甚深經典。皆爲饒益一切衆生。是卽以音聲言語而作佛事。衆生受持讀誦。通達第一義諦。於有言說中。尋如來無可言說之義。是名離文字障。如如來禪定。卽心是佛。是心作佛。不起於座。說法已畢。是名無言無說無示。而作佛事。若諸衆生。修習禪定。一心清靜。

無作無爲。只究自己本來覺性。到功夫純熟。發明心地。心性既悟。徧歷諸方。叅大善知識。於其棒喝之下。直捷承當。續佛慧燈。傳佛祖印。是能於我寂滅法中。悟佛知見。善男子。勿謂學佛法者。必離文字。彼叅禪人。必先習話頭。此話頭者。亦是文字。一棒一喝。悉屬言語。其實佛法。不於文字。不離文字。殊途同歸。但期了悟。不須分別。致起機鋒。

爾時座中有一菩薩。名曰淨法。卽從座起。前白佛言。世尊。快說禪那流弊。彼二菩薩。乃能爲諸習禪那者。從彼震旦國來。諮詢如來。如是之事。甚爲希有。世尊。如何杜彼禪弊。謂是教彼習禪那者。一切機鋒。盡不取耶。若機緣相合。一切棒喝。盡不用耶。世尊。昔在天宮。爲諸天帝釋說法。又在道場。爲諸大菩薩。大阿羅漢。及他方菩薩。來聽法者。有時顯說。有時微說。有時喻說。有時無說。世尊。種種說法。爲集諸佛法要。不知向上諸佛。亦有機鋒。爲無機鋒。爲有棒喝。爲無棒喝。惟願詳說。不使生疑。可得聞乎。佛言。善男子。諸佛法要。我先曾說。有種種方便。到功夫純熟。機緣相遇。一棒一喝。皆傳祖印。然諸衆生。

習諸佛法。都緣機未純熟。所以棒喝皆是機鋒。若如來
喻說微說。悉成妙諦。顯說則直指人心。爲衆生本體。三
世諸佛。同一真如。此皆實談法要。有何機鋒。惟習禪定。
無假言說。遇人來問。迎機開導。有迷有悟。悟者全超一
悟頓悟。迷者失叅一棒一喝。提醒覺路。雖喝雖棒。不是
機鋒。如今學人。弄口頭禪。只益戲論。如來正眼法中。無
此等事。是此種人。皆爲正法後世。汝等善護持修禪那
者。勿令迷惑。失菩提性。
爾時淨法菩薩重白佛言。世尊。如來昔說法時。教諸衆

生。惟淨其心。若人心淨。則佛土淨。又說一切衆生。念阿
彌陀佛名號。決生淨土。世尊。若是心淨。則佛土淨。者。則
淨心立地成佛。何必念佛求生淨土。若是淨土。必須念
佛。何以如來又說一切心淨。則佛土淨。世尊。惟願說此
二種法門。無使學禪那人。與念佛衆生。致起疑惑。互相
詆謗。礙修行路。佛言。善哉。淨法。汝乃能爲後世衆生。諮
問如來。如是大功德事。善男子。如來昔說法時。曾言如
是兩種方便。然彼衆生。不解如來所說念佛之義。又不
達如來所說心淨則佛土淨之旨。但執著文字。謂言念

佛係我口念。不知念由心念。念念不雜。念念不斷。念念定。佛在汝心。汝心作佛。卽自己色身成就慧身。生淨土者。亦當如是。今衆生顛倒口。雖念佛。心不契佛。我與佛殊。淨土遠矣。至於惟心淨土。原教諸衆生修習禪定。一心不亂。利欲塵勞。煩惱妄想。一切棄捐。靈臺方寸。空空洞洞。渾渾默默。湛寂無物。是名心淨。心清淨故。則我本來真佛道場。不染不穢。如今衆生修習禪定。人我妄想。憧擾於心。貢己卑人。好諛趨利。倚大勢豪。結好貴人。其坐禪始念。不覺不知。流入俗網。從前苦行。皆作富貴。

根原。心則不淨。如何得佛土淨。故如來昔說莊嚴佛土者。卽非莊嚴。善男子。若彼習禪定者。真能入佛知見。惟心淨土。佛知此人。決定成佛。彼念佛人。惟心念佛。決生淨土。二俱不然。菩提路遠。彼自失功德。勿謗如來。

復次淨法菩薩言。善男子。修禪那者。先要修持淨行。如來昔說華嚴教。諸衆生因依如來所說種種淨行。不犯律儀。乃能有禪定。不修諸淨行。其心散亂。善男子。如來淨行。皆從心生。種種願力。不惟外相威儀。所謂諸願。非徒虛語。一言一動。常自惺音星。惺是名淨行。若彼末法衆

樂著小若不猶直添無上五宗不覺發有應斷二斷三
 見而此發斷非不猶謂斷本然第一義諦而此發斷
 果主不謂圓通之本妙也心斯然聖斷不著一以成
 于成來現發斷本斷有一無二無三何以有正為成
 于成發發世象主皆斷本者前問成來第一義諦善見
 時人成來斷不著非見謂斷本斷言善發善發善見
 又為五顯不并聖發世尊對顯宜發發世尊斷非者
 聖發世尊同一斷非何以有五斷差眼現發斷非何以
 四斷共成來斷有五斷今眼世尊又發斷非五顯不入

爾却爭意苦觀自斷言世尊成來常發斷二斷三斷
 若發發斷本不并爭行成無長短
 亦論不徒無出善見于皆由不發成來爭行如有世樂
 來昔發成其心然罪斷亦然五顯并為全無現息一聖
 成今發發斷非不發成來現發罪斷并空之義而言成
 一不發發發罪斷并空對對以空成未了到業果成然
 論唱是斷于自發發爭聖發爭行如斷非流變也為第
 五并自現因以現人成人事却斷發常發下中一人事
 主觀并發心眼不謂唱受發爭率多也非斷無因果

禪四禪之別。命終魂生梵天。不得如來正覺。終落輪迴。而彼修禪那者。不知參求本妙明心。圓明覺性。遂有禪那狂解。由其自誤所入。遂失正覺。若悟如來禪。如彼舟行。不左觸岸。不右觸岸。坦然中道。決成佛不謬。淨意菩薩重白佛言。世尊。修習禪那。既有五種分別。而本妙明心。圓明覺性。各各具足。衆生與佛。皆無差別。則彼習禪那者。何緣方得本性清淨。不致染污。修如來禪。不入狂解。並不入於初禪。二禪。三禪。四禪。直證聖果。世尊。惟願明白開示除染之法。勿使在會聽者。致生迷悶。

佛言。善男子。如來本妙明心。圓明覺性。本自清淨。無所染污。亦無除染之法。爲彼衆生。汨音骨於生滅。不知返求本妙明心。圓明覺性。自無量劫來。不曾染污。何待汝除。假使有染可除。則不名本妙明心。圓明覺性。善男子。本妙者。無所除。故圓明者。自然清淨。故如謂修習禪那。先除其染。是有法可學。無染無除。是無爲法。善男子。譬彼四大海水。湛然澄清。本無波浪。忽受風吹。遂有滔天巨浪。倏爾風平浪止。復還清淨。善男子。謂是海水有所作。爲以除波浪。爲無所作耶。淨意菩薩白佛言。不也。世尊。

彼水本自澄清。實無所除。佛言如是如是。眾生本妙明心。圓明覺性。本則不染。亦如水性。而彼眾生貪著世緣。不知捨離。不知此性圓明無染。一旦覺照。自見本性。自了本心。如風自止。水性如故。修禪那者。叅其旨趣。一悟不。法中法。度一切厄。而成聖證。不由外索。不離自性。達如來禪。致證妙覺。不生疑障。是真最上乘。無與等。解脫法門。何致有狂解。初禪二禪三禪四禪。種種區別。自斷佛圓覺心地。

爾時座中有一菩薩名等不等。觀即從座起。前白佛言。

世尊快說如是種種禪。那流弊不識密義云。何使諸學人。不生輕忽。深入法藏。入諸三昧。不作遊戲。佛言善男子。我所說密義。究非密義。由我所說。修習禪定。密在汝邊。非我言論。汝自了達。尚不可說。不可說者。即是密義。我非汝身。焉知汝密。汝心非我。何知我密。二比不待。各自知密。一切禪定。惟求密義。所可說者。是法非密。密不可說。斯謂之祕。如來喻說。顯說如標。月指認諦為密。如失月指。密不在指。密非顯喻。言以顯密。密不在言。無言斯祕。密不可說。真禪定者。通此密義。為人棒喝。無一不

祕若有人言彼禪那人莫不有說。究非密義。是義不然。惟彼狂禪似密非密。似祕非祕。不知祕無非密。密無非祕。是爲甚深第一義諦。今世習禪那者。至此地位尤難。尤難。故有種種流弊。是爲正法後世。

復次等不等觀。菩薩言善男子。修禪那者。要行般若音鉢。若音惹。此般若者。是摧煩惱利斧。捍禦魔軍慧劍。渡生死海。法船。若習禪定。不修智慧。是自失般若。般若不修。則一切知見。皆是有爲有爲法者。有生有滅。惟以智慧觀察自己衆生。而不捨離。如母護子。暫時不棄。則我之知見。

悉爲正見。不落邪見。正知見者。實智慧是善男子。世人不解。如來所說。度盡衆生之義。謂言衆生是如來。度不知自性衆生。無量無邊。要我智慧得度。既得度。己是由如來法中得度。故說如來度盡衆生。善男子。汝勿錯解。如來所說義。如來方便慈悲。故應度盡衆生。而人人自性衆生。還須自度。善男子。自性衆生者。由我無始劫來。種種無明煩惱。皆是我自性衆生。此衆生有一未度。便不能成聖證。如來常說。無眼耳鼻舌身意。此眼耳者。皆是我之衆生。若眼爲色。牽耳爲聲。引身爲法。觸舌爲味。

使便爲自性衆生。未曾得度。若此六根清淨。六塵不染。六識不礙。六入無滯。是爲度盡自性衆生。方成菩提。故如來常說一切衆生。卽非衆生。善男子。汝勿謂衆生與菩提有所差別。衆生卽是菩提。不是衆生之外。別有菩提。不悟則六根六塵皆爲罣礙。悟卽無一不是菩提。若捨色身之外。另覓菩提。棄絕煩惱。求菩提性。決無是處。若彼修禪那者。心無邪思。是度一意衆生。耳無邪聽。是度一耳衆生。眼無邪視。是度一眼衆生。善男子。汝勿謂如來今日所說。是教人棄絕外事。終日枯坐。無思無慮。

若真正大禪定人。雖入煩惱。不爲煩惱障。被是謂真能度盡衆生。若自性衆生。未度一二。如何得有聖證。善男子。皆由不修般若。不能通達。如來所說義諦。取相執著。故有斯弊。

時座中有一菩薩。名曰法相。卽從座起。前白佛言。世尊。若是衆生皆屬自性。然則如來常說。自未得度。先度人者。不虛語乎。世尊。若是衆生皆爲自性衆生。則現前衆生。又以何法度之。惟願如來無遮大悲。爲我宣說。勿使後世習禪那者。只期自了。致生流弊。佛言。善男子。如來

方便所說。皆是真實了義。不誑語者。若諸衆生。修習禪
那。有未度者。如來皆以方便而救度之。爲言。汝善男子。
修習禪定。先要識得自性衆生。以如是法。教誨一切。是
卽如來真實慈也。若彼衆生。聞如來所說。深信不疑。是
卽如來所度。究之。彼人實自得度。併無衆生。如來度者。
若是習禪定者。自性不度。而能度現前衆生。決無是處。
故禪宗流弊。都緣自性衆生。尙未得度。故所說法。皆未
究竟。衆生聞者。多起疑障。不能了悟。若如來所說。究竟
了義。大乘。不爲虛也。善男子。如來說方便法門。世多不

解。昔如來常說。淫怒癡性。卽解脫性。而彼習禪定者。謂
言。如來曾說。淫怒癡性。卽解脫性。遂謂淫怒癡性。無礙
佛性。以致種種無忌。失菩提性。如今學人。淫怒癡三心
宛然。不知如來所說。淫怒癡性。不必涉色。斯謂之淫。不
必嗅恚。斯謂之怒。但如澄水。微有一波。不謂非浪。視之
澄水。已失本來。若是禪定之人。畧懷恚意。怒性宛然。怒
性一起。能滅聖境。礙修行路。其淫癡性。亦復如是。皆由
不解。如來所說。第一義諦。彼淫怒癡性。卽佛性中。起一
浮漚。又如清冷音雲中。霹靂起火。皆非所應。音若此一

流最爲禪那重病。能悟自性。其弊永息。

佛告在會諸菩薩言。善男子。修禪那者。先要行我止觀。助道之法。所謂止觀者。每於靜叅之時。心心叅究。探討本來圓明覺性。在於何處。若於極靜中忽起一念。就要尋此一念。從何處起。於一念止時。又要尋此一念。從何處止。有起有止。畢竟是誰作主。有於初坐禪時。卽能領取。但不知返觀自己本來覺性。一念起。一念止。起時不知何起。止時不知何止。一味枯寂。試問其起止。茫然無措。不爲真修禪定。皆緣不知窮究本來故。如來爲說止

觀助道之法。善男子。止者。心不動搖。萬慮淨盡。觀者。返觀己身。直究根原。所起之念。從何處起。務要窮究到底。看他是何景象。若此一念是妄。卽要斷絕。譬如捕賊。必耍擒住。毋令縱佚。縱佚之者。妄相接續。若一見起處。是妄。卽便斷除。一念所生。真妄相依。妄除真現。修習禪那。不行止觀。決無是處。

復次諸菩薩。修禪那者。當依十事。梵行。作意。觀察。所謂身。身業。語。語業。意。意業。佛法。僧。戒。以此十事。觀察如來。昔曾宣說斯義。而彼習禪那者。貪著一切義句。究不能

於十事作意觀察。不能於身語意業有所悟入。不離語言動作思想。亦不能於佛法僧戒有所悟入。亦不知三寶皆無作相。仍執佛法僧戒。不知禪那清淨梵行。不可以佛求。不可以法求。不可以僧求。不可以戒律中求。於此十事梵行。曾未觀察一事。梵行不習。得入禪定。決無是處。善男子。汝勿謂如來今日所說。實有梵行可修。若實有梵行修者。仍是貪著。如來所說。梵行不應貪著。教諸習禪定者。要假十事而爲所緣。到彼悟已。誰爲梵行。若彼渡海。須用寶筏。到彼岸已。尚執前後。是大迷人。故

今日如來重宣此義教。諸習禪定者。依因十事。名爲清淨梵行。作是觀者。名爲正觀。禪弊何生。若他觀者。名爲邪觀。禪那流弊。斯爲第一。

復次諸菩薩修禪定者。當依如來圓覺二十五種清淨定輪。隨擇一輪。各安標記。建立道場。隨根性利鈍。立定期限。下根百二十日。中根百日上根八十日。心存正觀。此觀不得復習。彼觀一心不動。務期必得。若鈍根之人。未能成就。勤心懺悔。心垢既除。淨境現前。決定成就。今世習禪定者。於如來所說二十五種清淨定輪。名字尚

不能識所修禪定。亦不擇根性利鈍。各立期限。結制安禪。三根同一限期。其或上根悟解。超羣安禪。期內或有透徹。其或中下尚多茫昧。即便解制。從前所習中道廢弛。有種醒悟學人。自知未透。存心靜觀。久久尚有悟處。若彼憎上慢人。尙未討定工夫。遂謂已得不復將所習定輪。靜心參究。又或有一種鈍根。又不肯勤心懺悔。罪業不除。塵障遮翳。卽有知者。亦肯勤心懺悔。然執著名相。不能解我所說懺悔義。故前過未滅。後過復生。善男子。過由心懺。非名相故。輪由根別。不宜一視。各輪淨觀。

雖由衆生根性利鈍。迨至成就。仍無分別。是爲禪那。初首方便。此輪不修。如何禪定。能修定輪。依三期限。弊何從生。不依根性。統定限期。捨此定輪。別尋禪定。弊不可言。

復次諸菩薩。習禪定者。先要立定工程規則。便一心不亂。亦好稽察自己功夫。亦可免種種流弊。每朝打辦身心。屏息諸慮。入禪牀。靜坐一晌。音賞參究自己一點靈明真性。於何處安立道場。食後應接事務。或自誦經。向一切義句。仔細參詳。亦增智慧。中夜且息一晌。復打辦精

神照前習靜。參究純熟。我之靈明覺性。豁然通達。到此地位。勿生歡喜。若有一喜心。便有喜魔入其靈府。若功夫未熟。只宜照往日所立工程。綿遠行去。功勿厭倦。若一生厭倦。便有昏散兩魔入其靈府。亦勿太急。若功夫太急。不惟後此工程難繼。便有勇魔入其靈府。礙修行路。如今世間習禪那者。皆無一定工程。以致種種心魔。惱亂是人。禪定要指斯為第一。不依如來所說修行。便成流弊。於是世尊欲重宣此義。而說偈曰。禪那雖一種。方便有多門。依法頓漸修。皆以根性別。立限照定輪。工程勿散亂。急緩一如法。羣魔不能入。是則禪定者。諸弊何由生。

讚

向上一義。獨露正宗。諸佛法要。總皆同。圓明覺性中。
三乘圓通。禪那絕機鋒。

禪宗正指

義陵無我子劉體恕編次

男劉蔭誠清惠

全校

姪劉允誠清虛

沙羨一行子黃誠恕叅訂

佛說禪宗祕密修證了義集經卷下

爾時釋迦牟尼佛。分晰禪那種種修持法門。時座中有一菩薩。名曰法清。卽從座起。前白佛言。世尊。習諸禪定。有如斯等種種修持。不知向上諸佛。有何等方便。惟願宣說。佛言。善男子。諸佛方便法門。皆以禪定而得解脫。

不持禪定而得解脫。決無是處。若有人能持如來禪定者。如來悉知悉見。是諸衆生皆能成就如來功德。如來當以手摩其頭而言。汝善男子。能於如來法中修行禪定。是爲希有。如來當以袈裟而被覆之。當爲如來之所授記。若有惡人惱亂。是習禪那者。我當命大菩薩親爲教授。安慰其人。告言。汝善男子。勿生退悔。我當教汝三世諸佛亦同擁護其人。決定成就聖果。不起禪座。立地成佛。

復次法清菩薩言。善男子。修禪定者。不於一法而生取捨。不於一法而生厭離。不貪著一法。亦不執一法。惟於如來所說種種方便。一意精進。不生疲倦。百歷工苦。至於叅到功夫綿密。不提自提。不舉自舉。至此尤須加功精進。若此時懈怠。卽不能於禪宗十分透徹。自己本元。只見得影響。不能親切。若於此時加功。則本元見到透徹。不落影響。本元既見得親切。一切浮塵影事。都無所有。幻緣既盡。本元清淨。本元既淨。則不落禪弊。凡諸所說法。皆屬了當義諦。不落機鋒。故習禪定。先發肯心。肯爲生死。用功精進。決意叅悟。不安小成。不於二乘。決定

大乘如來乘。如此用功。何慮不透。不拘老幼。不論男女。不論僧俗。但得真修行路。一心禪定。佛說是人。成佛不謬。

佛告法清菩薩言。善男子。修禪那者。要行普賢十種行。願能修此十種。則有禪定。此十種不修。如何能成聖果。今世習禪那者。未嘗不知此種行願。但取著文字。朝夕工課。究不知如何禮敬。如何供養。如何稱讚。乃至如何迴向。只謂現前禮拜。便是禮敬。現前香花齋饌。便是供養。現前課畢。佛前稽首。謂之迴向。如斯等事。取相執著。

迷惑不悟。善男子。禮敬者。一心頂禮。無有厭倦。以我之心。頂禮自性如來。以禪悅法食。供養真性。以戒品香。徧事十方諸佛。是名供養。善男子。請轉法輪者。卽是我自性如來。登寶蓮華座。說向上第一義諦。不起於座。一日轉此妙法。千遍萬遍。百千萬億。不可算數。是謂之真轉法輪。又隨喜功德者。是我自性真佛。每日應事接物。無有不是。喜捨慈悲。每舉一事。謀一念。皆是歡喜利人濟物。是謂之真隨喜功德也。又恆順衆生者。非只是眼前衆生。我皆恆順。蓋此衆生。與我俱生。我若違他。便是拂

了他的本性。要久遠不違。方是真能恆順。以此十種說。不能窮。依義尋思。反求於己。如是禮敬。乃至如是迴向。不出自性成就十種行願。我所修習。乃至歷劫諸佛。如來。皆同此普賢之行。今人不能從自性中求。但取著文字。謂言如來法中。只是教人讀誦。則雖終日喃喃。究於普賢行願。遠矣。遠矣。善男子。又普皆迴向者。世多不解。迴者。迴光覺照向者。向真如地。又迴者。迴其幻妄向者。向涅槃城。以前十種。皆由中求。勿向外覓。自性符願。不修。不名真正禪。那末法衆生。此弊尤多。最爲禪病。爲可憐。

憐憫

爾時佛說種種法要。座中諸大菩薩。皆齊聲唱言。世尊。未曾有也。世尊。既是禪定。有種種方便。何以衆生修習禪定。又至生諸流弊。皆緣錯尋文義。遂致不能深達禪門宗旨。世尊。彼諸衆生。行如來禪。爲是誦持甚深經典。後習禪定。爲是先習禪定。後誦持甚深經典。爲是一面習定。一面誦持。方便習禪定者。通達宗旨。不落流弊。佛言。善男子。今世衆生。貪著文字。不知一切甚深經典。皆爲方便。若彼上根。或於誦持如來所說一句一偈。皆能

識自本心。卽彼誦持亦得禪定。又或利根之士。一入修禪法門。卽能大定。不用誦持甚深經典。自能了達。謂之無學比丘。或於經典有所悟入。因靜究禪定。方能大悟。或不明經典。要人指說。始解禪定。是謂有學比丘。若不明禪理。只解誦持。雖不名禪。那然誦持。从遠心專意。一漸漸有悟入處。是人雖非大定。然而已作禪定。因緣若有衆生。既不習禪。又不專心誦持甚深經典。雖染衣出家。不名佛子。

佛復告諸菩薩言。善男子。如來所說禪定。先辨功夫。邪

正。正修行者。只究自己本性。不假一毫作用。若不究本來。只解作用。則不能於本性叅透。便爲未了本性。本性不了。則不能成聖證。不知修禪。皆爲欲明本性。若不叅究本性。便只以作用爲事。不名禪定。善男子。作用二字。最爲害事。有爲法中。可說有作用。禪定是無爲法。不講作用。若彼習禪。那者爲作用所使。是名爲不正法。不能於如來所說。究竟叅究。至有種種禪弊。爾時定自在王菩薩。卽從座起。前白佛言。世尊。常說菩薩修行。有六種方便。而禪那一種。有諸流弊。然則其餘

五者皆無弊耶。亦是禪那一種法門。可該五種修持。世尊惟願宣說六種了義。勿使後世習禪那者。致生迷惑。佛言善男子。如來所說六種修持方便。無非爲習禪定者。說此六種。若修禪那不行持戒。則心散亂。不入律儀。然或名心不捨。好諛喜佞。是佈施一種。最爲禪那緊要。若是始勤終惰。不肯加功。是非精進。故此一種方便。正習禪定者。鞭策自己。然而雖修禪定。若不用智慧。則邪正不分。認賊作子。畢生工苦。俱歸差誤。三世諸佛。依此修持。歷代祖印。喻之爲母。惟一智慧。能生菩薩。若見斯

修禪定。有諸惡人。故相觸惱。若不能忍辱。則亦失功德。利故菩薩修行。雖是六種方便。其實皆爲習禪那者。微細分別。勿令錯誤。若習禪定。不兼習六種。則不能成聖證。末法衆生。取相分別。不知六種第一義諦。貪著有爲。致流禪弊。

復次定自在菩薩言。善男子。習禪定者。原爲叅求本來自性。此本來自性。是衆生個個分中所有。因其不能識得。要假禪那修習。今世習禪那者。不知叅求自性。多言我因事故。不得自在。不知本性原來自在。任諸百事叢

雜不能擾亂其本元自在。無有動得些子。彼諸習禪定者。必欲棄絕人事。坐則有定。不坐則不定。如是互相稱說。師誤其弟。教命靜坐。弟承師授。亦以靜坐爲事。見有應接事務。便生譏誚。不知本心不亂。何妨應接。若本性不明。終日冥坐。謂之禪定。如來不許善男子。如來每見近世衆生。參學禪定。初發心時。頗知警策。期修禪定。漸漸習染世緣。不自知非。反言我欲清靜。無奈諸務擾我。衆生聽者。不知如來出世間法。不離世間。遂謂如來佛事。必要棄絕人道。不知參禪了道。原爲生死世間正法。

何礙性靈。惟除非法。斯不可耳。如今世禪那。此弊甚多。致誤後學。皆由此種。能悟自在本性。其弊斯絕。佛告信善菩薩言。善男子。修禪那者。因依如來所說種種善法。修持如不能修種種善法。則智慧不生。不能了達禪定宗旨。惟修習種種善法。以自降伏其心。有一不善。急須伏之。不令增長。失功德利。若人修習禪定。不行善法。則惡業增長。性法不明。凡所舉止。動成罪過。如彼穢穉。最能害苗。妄希嘉禾。決無是處。故知善法爲禪那第一。一切要方便善法。不一不能行者。是爲亂道。非我佛子。善男

子善法者。皆我本性中有。是爲善法。若一念起處非善。便是非法。如來每見今世衆生。修禪那者。不行善法。致有魔障。非魔能障。因彼禪那。自障本性。是以魔障。譬人欲見其日。自用兩手遮護其面。欲見日輪。必不可見。修習禪定。不行善法。與此朦面之人。同一迷惑。自斷佛種。性無可哀救。

復次信善菩薩言。善男子。修禪定者。每有不能透徹宗旨。非其本性與人不同。都緣自己障蔽。如我喻說顯說種種妙諦。本無一語。不是最上第一義諦。自起障礙。如來教說修習禪那。要假種種善法。乃入律儀。善法不生。惡法不滅。自性法要。全不理料。終日嬉蕩。既非釋子。卽不嬉戲。若不於善法。究竟極處。則一切法。皆是虛妄。虛妄相因。便有流轉三塗。輪迴六趣。故如來常教。諸比丘。制心一處。則無事不辦。善男子。心本無住。如何制伏。汝勿謂如來今日教人。強制其心。善男子。心相體空。不可強制。強制其心。是爲外道。如來所說。制心一處。教彼習禪那者。澄心叅究。不染世緣。卽有應接。事過卽掃。不應留滯。留滯之者。自生罣礙。禪定之人。修習善法。亦復如

是不可留滯。一有所滯。是則貪著。如來常說一切善法。卽非善法。因對惡法。說有善法。若彼大雲。須藉風除。雲淨天朗。風性何在。彼善法人。亦復如是。見性透徹。善具多名。法於何有。若彼末法。衆生修習禪定。能行善法。亦不執善法。自然到究竟地。諸弊不生。

爾時光圓自在。菩薩卽從座起。而白佛言。世尊。憶我往昔劫中。初習儒業。教我格物致知。彼時只謂現前百物。在於能格。後棄科第。入山修道。教我九還七返。我嘗思惟。三教雖一。用功各別。我因揣量佛所說法。雖種種方

便。然其直指人心。見性成佛。一超直入。不作種種方便。有似誠意。以儒校釋。不言格致。是義云何。世尊。惟願宣說斯義。使諸習禪定者。有所決擇。佛言。善男子。如來法門。以知爲先。教諸習禪那者。返觀自心。參尋本來。覺性本性。一悟萬法皆空。善男子。此本性者。卽儒物是。參究諦審。卽儒格是。本元一透。五蘊皆空。卽儒物格。知至者是善男子。如來常說。度盡衆生。方成聖證。善男子。本性無相無名。不可言喻。寄在眼耳鼻舌身意。釋謂衆生。儒謂之物。然儒釋教。分心性則一。若究論功夫。釋爲直捷。

然將釋擬儒將儒例釋是義不然但習禪定。叅究本來。本來未了。不可放下。若種種較量亦是妄想執著。今世衆生多有此種顛倒。不知如來所說禪定。但究根本。不尋枝葉。若但執名相。分別取捨。儒則非儒。道亦非道。釋亦非釋。洞見本元。豁然超脫。方名真正禪那。爾時定慧王菩薩。卽從座起。而白佛言。世尊。我憶往昔劫中。一十七世爲士大夫。修行種種功行。至成聖證。世尊若諸後世衆生。習禪定者。行我所行功德。是人聖證。應與我不異。佛言善男子。如來法中。固是無爲。然亦不

盡無爲。不住有爲。若行諸功德。而貪求福報。是名有爲。若修諸功德。而善行種種方便。利益衆生。心不取相。是名不住有爲。不盡無爲。又善男子。行種種方便。皆從正念。不生一妄。善男子。汝謂一十七世。多行功德。致成聖果。善男子。若諸衆生。身爲宰官。盡忠於君。恤愛百姓。遇諸艱難。寵辱利害。皆不能動其心。常樂佛法。不貪戀爵位。此大定菩薩。現宰官身。而爲說法。若諸衆生。雖爲白衣。不染世緣。雖有妻子。常修禪定。是卽現居士身。而爲說法。若有女人。厭棄女身。一心淨觀。求離女身。心心

專求女人相了不可得。一心禪寂是即現婦女身而為說法。若有童男童女不壞本真自幼便好清靜自居。祈求解脫。或樂獨處閒靜。是即現童男童女身而為說法。善男子。如來禪定。人人可修。然不行種種功德。欲其成就。譬彼昏夜遠行。不執火炬。中路失足。不可救治。種種禪弊。說不可盡。以斯義推音吹其功德力。亦復不少。

爾時世尊在耆闍崛山。與諸大菩薩說法。時有菩薩名曰香光莊嚴。從香嚴國遙見世尊在耆闍崛山。與諸大菩薩。大弟子等宣說法要。即從彼香嚴國持種種香華。

來詣耆闍崛山而禮世尊。所謂芬陀和華音萬殊沙華。

優曇音潭鉢華。以如是等種種香華而散佛上。歎言。世尊

未曾有也。乃為世習禪那者說此決定正宗法門。我

從昔來未曾得聞如是明白切要章句。若後世之習禪

那者。得此微妙切要大乘經典。受持讀誦。是人即得禪

那大定。不致種種流弊。否。佛言。善男子。汝勿謂如來今

日所說習禪那者。彼諸衆生。但得如來一句一偈。依義

修行。決定超悟。何況受持讀誦。為人解說。如說修行。善

男子。是人能於我切要禪那法中修習。實為難得。若有

業。唯。當。首。滅。凡。心。以。符。辨。接。圓。罪。類。誦。主。故。實。理。發。法。
 不。論。一。劫。轉。刹。所。發。五。言。回。向。轉。真。具。人。前。生。罪。
 身。攝。無。著。苦。澗。所。延。泉。主。具。器。不。同。延。更。法。皆。深。重。業。
 民。于。吹。來。現。痛。聲。典。皆。為。一。心。泉。主。吹。更。羅。密。中。影。
 學。若。慧。香。噴。諸。疑。處。主。更。轉。心。延。更。精。妙。病。去。喻。言。善。
 又。有。諸。惡。業。而。數。罪。誦。各。各。五。界。世。尊。前。願。宣。信。妙。妙。
 心。罪。曾。一。心。誦。若。具。今。主。更。現。言。吹。來。現。痛。去。何。因。
 具。前。主。為。具。今。主。世。尊。若。妙。前。主。更。五。言。自。當。滅。一。
 現。雙。時。更。有。災。即。世。尊。同。一。村。請。而。罪。誦。各。不。能。廢。為。

經。典。預。變。動。靜。誦。新。其。有。泉。主。受。持。請。請。甚。深。經。典。而。
 爾。却。能。即。苦。勸。重。白。喻。言。世。尊。妙。泉。主。受。持。吹。來。現。痛。
 苦。慧。心。言。已。然。然。不。見。變。障。妙。圓。
 諸。世。世。間。希。有。獲。言。之。哉。其。請。不。發。何。緣。多。驟。三。藤。三。
 聞。長。壽。山。齋。首。世。尊。具。下。而。言。賢。吹。率。引。轉。心。為。今。世。
 典。受。持。請。請。故。精。其。養。不。可。等。倫。爾。却。香。水。莊。嚴。苦。勤。
 民。于。精。其。養。中。去。其。養。是。去。其。養。香。吹。來。現。痛。甚。深。經。
 養。吹。來。是。妙。其。養。也。新。具。爾。現。其。養。也。論。無。有。異。必。善。
 人。前。手。野。之。者。當。以。蘇。蘇。香。華。而。其。養。之。與。我。今。日。其。

盡明現。復還本體。罪深之人。亦復如是。假使不發正信。雖讀佛經。中懷疑惑。彼前生垢重。則垢自不除。假令垢輕。還增今垢。垢積日深。果報不爽。不因口頭誦持。便獲大果。善男子。如來常說。持我大乘經典功德。勝七寶佈施。并勝歷劫以身命佈施。正以我所說法。爲渡生死寶筏。其實在行。而彼衆生。迷失夙因。雖徒口誦。亦復何益。妄冀大果。說前說後。不知悔悟。良可歎惜。

爾時復有菩薩。名法眼正藏。卽從座起。長跪佛前。而白佛言。世尊。佛說大乘經典。我從昔來。見佛於祇樹園中。

爲四衆說一切佛法。未曾聞有如是明白詳要。不獨彼大菩薩。信爲詮諦。卽彼下根之士。一聞佛言。悉能解其義趣。世尊未審彼鈍根者。何因有解。爲是本有。爲是佛化所致。佛言。人心靈圓覺性。不遺下根。不增上根。下根之士。氣質昏濁。而覺性原無昏濁。譬之日月光體。本有爲有雲障。掩其光體。性昏濁者。亦復如是一聞佛語。卽生解悟。如彼雲障。忽被風吹。依舊復還光體。障蔽何在。故知不悟佛法。則下根鈍者。只是凡夫。一悟佛法。卽彼根性鈍者。亦成菩提。故如來常說。根有三種。佛性無二。

又。如。四。大。海。水。各。一。其。方。而。此。水。性。周。流。運。行。實。則。一。源。汝。今。謂。彼。下。根。何。因。有。鈍。鈍。因。氣。質。何。因。有。解。解。因。本。性。卽。如。一。物。尙。有。靈。性。何。况。下。根。之。人。佛。性。寧。有。差。別。

法。眼。菩。薩。重。白。佛。言。世。尊。說。一。切。甚。深。經。典。彼。諸。衆。生。受。持。讀。誦。是。人。卽。解。如。來。所。說。義。不。佛。言。如。來。所。說。修。多。羅。經。皆。爲。度。一。切。衆。生。故。若。有。善。男。子。善。女。人。受。持。讀。誦。於。如。來。甚。深。第。一。義。諦。悉。皆。通。達。佛。說。是。人。卽。佛。長。子。佛。印。是。人。決。定。成。佛。若。於。如。來。所。說。經。受。持。讀。誦。

而。於。甚。深。第。一。義。諦。不。能。通。達。佛。說。是。人。落。文。字。障。故。如。來。誦。持。法。門。有。六。種。功。德。而。以。解。義。爲。人。演。說。如。說。修。行。爲。第。一。功。德。千。萬。億。分。無。與。等。者。真。功。德。中。功。德。也。汝。等。當。爲。衆。生。以。斯。義。諦。救。度。衆。生。毋。使。偏。執。文。字。爲。如。來。究。竟。善。男。子。如。來。所。說。經。如。彼。迷。失。途。人。如。來。爲。諸。導。師。方。便。指。點。彼。迷。途。人。聞。卽。前。走。無。所。疑。惑。不。生。厭。倦。佛。知。是。人。歸。於。正。道。彼。誦。經。者。亦。復。如。是。假。使。不。解。義。演。說。修。行。自。迷。猶。可。迷。人。更。甚。

佛。復。告。光。圓。自。在。及。定。慧。菩。薩。言。善。男。子。如。來。所。說。禪。

那切要法門皆爲後世習禪定者杜絕流弊。譬如良藥能愈諸疾。有人能服無不瘥。叙去聲者善男子。今世衆生多諸疑障。謂言如來昔在說法四十九年。其應度者皆已得度。其未度者皆亦已作得度因緣。如今涅槃既久。又有何法可說。生不信心。致起謗譏。失自正修行路。善男子。如來法身常住不滅。若謂如來昔住涅槃無可說法。是爲斷滅戲論。不知如來清淨法身常在說法。若謂今日無可言說。佛知是人不能於我法中究竟叅透。善男子。如來法者不可以身得。不可以心得。何以故。身心

如幻不可得故。是法寂滅常住。法故善男子。汝當教諸習禪那者。勿令生疑。致成退悔。善男子。習禪定者。先要斷疑。若懷疑不信。則失功德。利如來法身。譬彼朗日。幽闇之處。無不照者。惟除闇室之人不能見耳。彼疑障不除。亦復如是。於是世尊欲明斯義。於大眾前舉兜羅兩手。作一圓相。普告大眾。習禪定者。要識此圓相。此中不透。正好藉禪那。極力叅究。若機緣熟。徹底了達。並我所舉圓相。亦屬渣滓。並此渣滓。無有又有何圓相可見。不知此者。妄起生死。妄有流轉。悟解之者。卽是如來法。

身常在而不滅也。於是光闍自在菩薩與定慧菩薩。卽起於座。重復整禮。瞻仰世尊。異口同聲。而作偈曰。大雄無等倫。第一之導師。爲後世眾生。開示禪那門。說種種方便。應如是修習。譬彼中天日。能破諸幽闇。如甘露法雨。普滋諸羣萌。衆生懷疑慮。不能信是法。佛爲顯密義。我法無生死。於圓相中現。是亦不可取。了達無相義。則能信是經。後世修禪定。惟求了此義。是故應稽首。供養如來前。諸天咸諦聽。無不敬信者。

爾時一菩薩說是偈已。佛復告二菩薩言。善男子。如來

所說種種禪那修習法門。皆已究竟。其種種機鋒。皆已分辨。汝等當依如來所說。於爾所國土之中。廣爲宣揚。提獎後世習禪那者。務令行我所說。方便開導。善男子。如來所說一切法門。不離方便。於是二菩薩齊聲唱言。世尊。我等當依如來所說。廣爲宣布。教諸習禪那者。悟第一義。不落機鋒。於是會中觀自在等諸大菩薩。及阿難等。大阿羅漢。亦白佛言。世尊。我等亦當廣爲流布。諸天帝釋。及護國四天王等。亦白佛言。世尊。若有衆生。得是禪那。決定甚深經典。受持讀誦。靜心叅究。習禪定者。

我當擁護其人。勿令惡魔得其便者。於是大力鬼王鳩
槃荼。一作茶等亦於佛前而作頌曰。希有佛陀耶。希有達
摩耶。希有僧伽耶。世尊。乃為後世衆生習禪那者。說是
了義正宗。我今亦當擁護習禪那人。命諸惡鬼無能惱
害佛言。善男子。汝能護持正法。佛助爾喜。佛復告阿難。
汝好持佛語。往詣震旦國中。廣為流布。阿難白佛言。唯
然。世尊。我已受持佛所說法。世尊。是經當何名字。佛言。
是經名禪宗正指。亦名諸佛祕密修證。亦名一切義句
集成。汝當流布。勿令斷絕。佛說是語已。於是阿難即同

震旦國土。光圓自在菩薩及證果定慧王菩薩咸遵佛
旨。即降神於震旦國中。翼軫分野。光圓自在菩薩涵三
道場。宣說於是法要。爾時靈鷲山隨來聽法諸大菩薩。
大阿羅漢并諸天帝釋四衆八部。在會弟子聞佛所說。
皆大歡喜。信受奉行。

觀音總讚

如來祕密不可言傳。光圓啓請洩真禪。幾度往靈山。
阿難宣言字字度人天。

觀世音菩薩經後留偈

一。向一。歸。回。羅。天。此。義。盡。無。窺。頂。有。言。信。不。善。文。字。
更。去。門。要。精。頂。歸。何。以。廣。大。不。始。終。其。義。豈。要。簡。便。
可。口。計。而。又。不。計。自。憐。憐。蘇。對。善。畏。于。法。則。收。來。式。
思。慕。要。主。恭。懃。要。主。奉。計。心。不。可。心。然。而。又。不。然。不。
疑。惑。心。法。持。著。心。法。定。念。要。主。如。外。要。主。五。計。要。主。
梁。對。學。寶。對。善。畏。于。今。日。各。善。爾。心。各。登。爾。意。心。法。
果。蘇。蘇。流。轉。今。法。志。音。宣。亦。不。五。宗。門。亦。示。未。法。事。
善。若。善。若。法。則。收。來。為。眾。主。教。焉。不。胆。本。法。定。蘇。聖。
四。護。尊。答。開。前。語。總。六。頌。

甘露自然心此斷菩提果慈荷願宗

然。鼓。出。三。界。中。宣。畢。躡。音。懸。妙。五。界。主。而。斷。去。王。容。
斷。出。無。主。指。鞞。首。然。流。既。替。同。斷。計。主。不。二。法。銀。
山。四。五。宗。收。來。剎。怛。宣。源。密。劫。來。東。主。與。羣。蒙。山。宮。
救。五。首。劫。多。流。樂。弄。對。輪。米。圓。來。命。主。慈。開。曼。請。靈。
立。世。則。心。見。對。豎。觀。一。娘。酥。持。著。靈。觀。觀。於。世。軌。派。
更。收。收。也。圓。莫。問。崇。空。台。兩。忘。難。具。拜。自。無。雙。豈。不。
一。乘。故。去。是。真。宗。收。來。宜。隨。故。無。龍。三。三。台。蘇。可。斷。

善男子。吾先告知佛旨如是。故今開演如是。汝諸衆生。不要心疑。心疑則有疑魔。入其靈府。失自修行路。吾奉佛旨。宣揚法化。不是平常一字差訛。便失宗旨。言言妙諦。字字甘露。不似世俗文字。不足關係。子輩但一心念佛。不雜一切俗務。心無所擾。則氣自靜。氣靜則神自清。神清則耳無邪聽。目無邪視。心口如一。則手口心身混合。大定之後。我之神。御子之神。我之氣。御子之氣。忘我爲汝。忘汝爲我。是二是一。是一是一。二不此相。不彼相。不可以形聲見。不可以色身求。如

此渾渾淪淪。自然合體。運動隨心。靈機不滯矣。汝等靜息。觀自己本來一點真性。務要認得大白牛耕田。是如何。每夕如此行持。如在大蘭若坐七相似。不過一七期內。心性自能領悟。卽不看經。而無一時不誦。口不誦佛。而心無一時不佛矣。今夕行。今夕有益。明夕行。明夕有益。

吾佛法法可以悟道。不執一法。亦不離一法。古佛傳心。只一句一偈。一句之中。包涵萬法。一偈之內。蘊藏世界三世諸佛。依此修證。善男子。從來坐禪。必叅公

案公案叅來。只名了得。一則公案。而於自己一點。要
究竟明白。不離叅禪。不執叅禪。不離於坐。不執於坐。
且道今日我來開演。爲是我書。爲是汝等衆生手書。
若汝手書。汝手卽應自書。何故藉此一株朽木。若我
自書。如何我不親現色身手書。而又假汝衆生手共
扶持。乃能書。何以言的。又是佛法。汝心尙不能透。何
因能書。汝試諦審諦審。汝二侍者。非一身體。非心口
同。何以兩人兩手共書一字。我之色身。究何所在。爲
在於空。爲在汝身。若在空中者。空非有體。何汝二人能

書。若在汝身。在此二身不能兼兩。若爲在兩。則爲偏
體。汝試細叅細叅。我之法身。同汝慧性。今汝二人并
一朽木。則如汝之四大和合。幻緣所成。能動能書。非
汝手動。非彼木動。由我神運。吾神氣一去。木不能動。
手亦不書。譬汝四大一壞。汝之真性。究歸於空。汝試
靜叅。汝此四大一壞。汝在何處安身立命。汝試思此
本一不動。我在何處。爲在靈山。爲在壇內。若在壇者。
則我一色宛然。若在靈山。緣何汝二人手一執。卽至
汝試叅究。若這裏叅得透。方是佛門弟子。如來手摩

其頂親爲如來之所授記。咦。夢裏說江山。醒時無一物。且道未夢未醒時。作麼生道。

善哉善哉。吾奉佛旨演經。有大利益。不爲泛泛。奈衆生迷惑。不明禪理。妄生譏訕。吾今再問汝等。昔如來靈山說法。四十九年。於今滅後二千餘年。今日何以尙在說法。謂佛現在。則已涅槃。謂佛涅槃。現今說法。內中有參得透的。只一句法。不須饒舌。

善哉善哉。汝諸衆生。阿難今日代宣佛法。爲是有法。爲是無法。若有法者。如來又說無法。可說若是無法。

我今日宣的。又是甚麼。汝試道來。超悟的。一言透徹。如爐中點雪。渣滓盡無。我再問你。我在說法。正值天雪。這雪還是空中結成。還是本來是雪。若是本來。何以平時不見下雪。若是空中結成。何以空中又能結雪。這六花是一一雕琢成的。還是自結成的。若是雕琢。空中又是誰人雕琢。若是自結成的。何以一點雨水。偏能結出六花。汝等內中有參悟的。今日同在一會聽法。汝試明白道來。須是一言一語。直捷了當。不要落了理障。咦。這裏機關識不透。大衆森羅有意無。

良久復云。我且問汝。汝聽法。是汝耳聽。是汝心聽。若耳聽者。不謀於心。汝心非外。何以心知。若心聽者。閉汝兩耳。汝應不聞。所說何法。汝之聞性。如何得知。汝試明白道來。良久云。聽不由耳。說不由口。木人戴帽。善哉善哉。衆生碌碌於生前。業報明明於身後。同在三界之中。誰是聰明了達的。肯爲生死大事。猛地修省。放得下。看得破。不爲富貴桎梏。不爲愛慾枷鎖。做世間人。行出世間事。直究心性源頭。絕不沾泥帶水。我今日便提攜他。同上靈山。親見如來。汝衆生要見

靈山大道場麼。去時費盡心力。不能得見。咦。十千萬里路途遙。不出門庭三五步。見麼。良久云。咦。要走不須足。要見不用眼。會麼。復云。靈山不遠。合目卽見。又云。且道。汝口是誰開。合。咦。花開花卸。花誰主。囑咐東君好看花。

亞倫貝探軍及其之告示器人希印來回陳



亞倫貝探軍及其圖繪器見理靈文

